



Visoki predstavnik i specijalni predstavnik EU Inzko sastao se sa premijerom Dodikom

Visoki predstavnik i specijalni predstavnik EU Valentin Inzko sastao se danas u Banja Luci sa predsjednikom Vlade Republike Srpske Miloradom Dodikom. Razgovarali su o svim aktuelnim političkim pitanjima, uz poseban naglasak na predstojeći sastanak u okviru takozvanog "prudskog procesa". Ovaj sastanak je dio konsultacija visokog predstavnika i specijalnog predstavnika EU Inzka sa svom trojicom prudskih lidera, kako bi pripremili sastanak zakazan za 14. juni, a koji bi trebao biti posvećen rješavanju preostalih neriješenih pitanja državne i vojne imovine. Tokom sastanka premijer Dodik i visoki predstavnik i specijalni predstavnik EU složili su se da je potrebno poduzeti sve mjere kako bi se ova pitanja riješila što je prije moguće, te na taj način dokazali da je Bosna i Hercegovina spremna da postane partner Evropskoj uniji.

Evropska budućnost ove zemlje je najvažniji cilj za sve građane i njihove političke lidere. Premijer Dodik pozdravljiva inicijative koje će ubrzati proces integracije u EU. Sada je najurgentnije da zemlja osigura ispunjavanje svih preostalih uslova iz "Mape puta" za liberalizaciju viznog režima sa zemljama EU. Visoki predstavnik i specijalni predstavnik EU Inzko i premijer Dodik pozdravili su odluke Vijeća ministara BiH prošle sedmice o usvajanju zakona neophodnih za liberalizaciju viznog režima. Premijer Dodik je istakao da bi Parlamentarna skupština BiH trebala usvojiti ove zakone što je prije moguće, te je izrazio podršku ispunjenju svih uslova koji će građanima u budućnosti osigurati sve prednosti bezviznog putovanja u EU.

Na sastanku su razmijenjena i mišljenja o zaključcima Narodne skupštine RS, naglašavajući da ovo pitanje mora biti riješeno na racionalan način.